

Isumaginninnermut tunngasunik nakkutilliineq pillugu Namminersornerullutik Oqartussat nalunaarutaat

Isumaginnittoqarfiup aqunneqarnera aqqissuussaaneralu pillugit Inatsisartut peqqussutaatnr. 11, 12. november 2001-imeersumi § 1, imm. 2 naapertorlugu makku aalajangersarneqarput:

Kommuunik nakkutilliineq

§ 1. Isumaginninnermut inatsisini maleruagassat kommuunit eqquotsinneraat aammalu inatsisini ingerlatsinnermut tunngassuteqartuni maleruagassat naapertorlugit ingerlanneraat Ilaqutariinnermut naalakkersuisoqarfiup nakkutigisaraa.

Imm. 2. Nakkutilliinnermut pineqarput allaffissornikkut aqutsineq paaqqinniffillu.

§ 2. Nakkutilliilluni takusaanerit pisassapput kommunalbestyrelsimut qinigaaffiup iluani minnerpaamik ataasiarluni.

Imm. 2. Ilaqutariinnermut naalakkersuisoqarfiup pisariaqarsorippagu imm. 1-imi taaneqartumiit annertunerusumik nakkutilliisoqassaaq.

§ 3. Nakkutilliisutut takusaanissaq sivikinnerpaamik sapaatit akunnerinik marlunnik sioqqutsisumik kommunalbestyrelsimut nalunaarutigineqassaaq.

§ 4. Nakkutilliisutut takusaanermi ilaatigut suliassaqaqfinni aalajangersimasuni suliata ataasiakkaat misissuiffigineqassapput. Misissorneqassaaq isumaginninnermut inatsisit naapertorlugit aalajangiisoqartarsimanersaq.

§ 5. Nakkutilliisutut takusaanerit tamaasa Ilaqutariinnermut naalakkersuisoqarfik nalunaarusiortassaaq. Nakkutilliinnermit nalunaarusiaq kommuunip aamma kommuuninut Nakkutilliisoqarfiup tigussavaat. Taamaaliortoqartassaaq sapinngisamik qaammatit marluk qaangiutsinnagit.

Imm. 2. Nakkutilliinnermit nalunaarusiap nassiunneqarneraniit qaammatit arfinillit qaangiunneranni Ilaqutariinnermut naalakkersuisoqarfiup kaammattuineratigut nalunaarusiami assuarineqarsimasut, inatsisinik paatsuisimaneq sullissinermilu kukkussutaasimasut aqqinniarlugit qanoq iliuuseqartoqarsimaneranik allakkatigut nassuiaammik kommuuni nassitsissaaq.

Ulloq unnuarlu paaqqinniffinnik nakkutilliineq

§ 6. Ulloq unnuarlu paaqqinniffinnik Namminersornerullutik Oqartussat pigalugilluunniit ingerlataannik aammalu kommuninit pigineqartunik imaluunniit ulloq unnuarlu paaqqinniffinnik imminnut pigisunik nakkutilliineq Ilaqutariinnermut naalakkersuisoqarfimmit isumagineqassaaq.

§ 7. Nalunaarut manna atuutilerpoq 1. marts 2006-imi.

Imm. 2. Tamanna ilutigalugu isumaginninnermut tunngasunik nakkutilliineq pillugu Namminersornerullutik

Oqartussat nalunaarutaat nr. 43 18. december 2001-meersoq atorunnaarsinneqarpoq.

Namminersornerullutik Oqartussat, 16. februar 2006

Aleqa Hammond

/

Martha Lund Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut